



DEO OPTIMO MAX.
UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS
*manè discutienda, in Scholis Medicorum, die Lunæ vigesimo
Aprilis anni M. DCC. XXXIII.*

M. MICHAELE-LUDOVICO VERNAGE,
Regis Confiliario, & in Senatu Parisiensi Medico ordinario.
Doctore Medico, Præside.

An varius Causariis pro diversa tempestate victus præscribendus?

I.



RESTANTIOR sanitatis tuendæ lex est non satiari cibis,
sed esse impigrum ad laborem; victus enim ubi plenior, ibi
nutritio parciore; nam quæ ingeruntur perennes corporis efflu-
xus non resarciunt, sed quæ digeruntur: ut pathemata animos
acuumt & erigunt, *ἀναλίστα* hebetat; sic labor corpus firmat,
ignavia mollit, hæc maturam senectutem accersit, ille longam
reddit adolescentiam; sobrietas enim & exercitatio fidissimi sanitatis custodes

uperflua circumcidendo novas Corpori vires addunt, si mutuum sibi ferant opem & amice conjurent, stabilem servant machinæ habitum, externisque nimis injuriis obnoxium: non intemperantia vitii gravis, animum unâ prægravat, sed grata viget cum functionum integritate mentis alacritas: vividior si quidem sit spirituum in partes influxus, sanguinis expeditior circuitus, excernendorum minor congeries, facilior secretio, uberior insensibilis halitus, major denique solidarum partium tonus & elater. Jugi & æquabili influentis in partes liquidi, resilientis fibræ motu, alternis vicibus deteritur & restituitur Corpus; modus illius & finis est adjectio deficientium, & detractio exuperantium; hos si limites transiliat natura, vel superfluis oppressa corrui, vel necessariis defecta contabescit; utrumque pariter metuendum discrimen vitabit sedulus observator ætatis, temperiei, præsertim anni tempestatum, quarum vicissitudo, permutatio, diversæ corpus afficiunt, & naturæ vini augent, aut minuunt; horum anticipes effectus singulari victus normâ cuilibet idiosyncrasia propriâ, aut sævientis anni temporis intemperiei debellandæ idoneâ arcebit.

I I.

UT nullus sine vitii, sic nemo sine morbis nascitur; Beatus ille qui minimis urgetur: sæpè vultus lineamenta & mores, sapiens temperamentum & morbi à parentibus in sobolem traducuntur; arthritici arthriticis, tabidi tabidis, Causarii Causariis, fortes creantur fortibus; horum affectuum germina adeo penitus sunt sanguinis principiis insita, ut hæc emendare tantum, non delere valeat ars; naturam enim expellas frustra, tamen usque recurrit. Qui ex meliore luto formatus solidis in debitâ compage, fluidis in decenti copiâ, crasi, & motu convenientibus constat; cui latum pectus, firma latera, stomachus sine dolore & labore concoquens, hirsutaque membra; atrocem animum simul & validum corpus promittunt: qui vesano non uritur amore, nec inanes & operosos honores ambit, non avidè quærit opes, & inventis miser abstinet, nec invidus alterius opimis rebus macrescit, sed æquum rebus in arduis non secus in bonis ab insolenti temperatum lætitiâ animum servans eâ quam ratio ipsi dederit vel fors objecerit sorte contentus vivit, qui denique sui compos & salutaribus Philosophiæ præceptis imbutus sanam mentem in sano corpore tuetur, hic nullis debet obligari legibus, sed varium pro arbitrio vitæ genus tam impunè quàm audacter sequi; at Causarius vel ingeniâ hereditario jure, vel endemiâ regioni quam incolit, ut Hispanis strumæ, scorbutus Batavis, plica Polonis; vel adscititiâ, ab ex lege vivendi ritu, aut acrioribus curis, infirmitate laborans, ejus pectus frequens tussis lancinat, vel asthma opprimit, quem renum arenulæ vel calculus angunt, aut cruciat arthritis sæva Bacchi & Veneris filia, magnatibus & opulentis maximè familiaris, mancipiis & sequiori sexui nisi mensibus defraudato, aut virili licentia effensè viventi ferè ignota, rusticis omnia tenui simplici que victu & improbo labore vincentibus aut fugantibus incommoda insolens; hic salutaribus Medicinæ legibus subscribere cogitur; iniquis enim conditionibus lucem accepit, qui Causarium & à recto sanitatis tenore delirans corpus à naturâ fortitus est, facile rerum externarum occurfu percellitur, hunc sæpè dolor quasi prænuntians temporum, & Cæli conversiones fragilem & tenerum ferit, quibus

bene natus minimè tangitur; ob levissimum errorem plectitur; continuo ipsi cum domestico hoste, quem venis alit, luctandum, cujus sæpè nocituras vires solo tempestivo rerum non naturalium usu, & cautà pro diversis anni tempestatibus victus mutatione retundet.

I I I.

ANNI lapsum fermè imitatur hominis natura, quas hæc ætatum decursu subit alterationes, easdem ille pro vicissitudine temporum adumbrat singulis annis renovandas: Certum quoddam percurrèdò spatium sol tempestatem definit, quò insignem in aëra inducit mutationem, cujus in partem facilè sanguis adducitur; mortalibus enim vitæ & morborum author est aër; si purus, aut plus minusve inimicis inquinatus miasmatis sese in corpus inferat: hujus superficiem undique circumfusul pondere premit, elatere diverberat, diversisque modis mutat, laxat, remollit, densat, constringit: si per pulmones inspiratus sanguinem non permeat, cum cibis confusus ipsi permiscetur & in penitiorem partium compagem delabitur: si Cælum sit siccum & æstuet, sanguis rarefcit aucto motu intestino, liquatur, per laxata undique partium spiracula diffluit, maximumque dum patitur utilis substantiæ cum sero secedentis detrimentum, acrimoniã contrahit & mordacitatem; idcirco Æstate spontaneam senties lassitudinem, acrem expirationem, corporis moles liquefcit; ejusque pondus & virtus imminuuntur; quod ne præceptis innotam affert victus ratio, qui contrariã, interiorem tumultum indole compescat: densior ex aëris frigiditate fit corporis habitus, meatus constriunguntur, cœcæque exhalationes coercentur, sanguinis moles accrescit, lentus & viscidus ob extranearum particularum scaturiem evadit, secretiones turbantur: Ex Autumnu inæqualitate videas quot diversis modis corpus percellatur; Hyeme, frequenti corpora plenitudine turgescunt, quæ Veris adventu molestiam facessere consuevit: Cæterum si fueris intemperatus, intemperiem tibi insitæ similem iniquius feres, quàm quilibet rectè temperatus quamlibet aëris intemperiem: Hinc naturas inter & ætates aliis benè vel malè est pro variis anni temporibus.

I V.

PERFECTA est partium solidarum diathesis, ubi conformatione, situ, nexu, ordine, magnitudine, numero, apte conveniunt; sic affabre constitutum pro sui indole incolumem servat aut labefactat liquidum quod corpus jugiter alluit; diversa etenim est, & varias vices patitur sanguinis natura; hujus motus, nifus, concretio, solutio, secretio multiplex: discrepantibus fluida moles conflata partibus, varias facillimè subit alterationes: hujus si principia copiã & facultate contemperentur, sanitas viget, si dissideant, plurima circumveniunt incommoda; quantum ad has vicissitudines promovendas valeant quæ sese alternatim excipiunt tempestates quis non experitur; verè tumet sanguis, & se suo æstu despumat, inde februm cohors, hæmorrhagiæ, & varia exanthemata erumpunt: Syrio ardente fervet bilis, acrior redditur, inde causus urit, maligna desævire febris, ultro vomitur bilis, à Catharticis biliofiora purgantur; autumnu morborum ferace, viget atra seu

tenacior bilis, hoc fonte *pervicaces* melancholici affectus & diuturni morbi derivantur: acri hyeme pituita redundat, quod intercluso insensili halitu lymphæ inspissetur; inde Catharri, Rhumatici dolores, inflammatoria febres, pleuritidis, peripneumonia, angina, grassantur: quid si ad has mutationes victus error accesserit, exuperans humor peculiare parit morbos, qui eos imprimis invadunt caularios quorum similis temperies ipsius impetui reutendo impar est: immoderationem aeris facilius feret atas contraria: per æstatem & ineunte autumno fenestras reviviscunt, per hyemem pessime se habent, & sæpe ineluctabili necessitate solvuntur, exeunte autumno, valet atas florida, ardente Julio fervet; magnæ mutationi adversam in victu opponere mutationem artis apex est; hanc si sapienter institueris, optimam temperiem diu servabis integram, in vitium flecti pronam intra naturæ modum coercebis.

V.

SANITAS ut à morbo maxime distat, sic curatrici præstat Medicina conservatrix; hujus legum studiosus observator, felix & sanus Nestoreos ager annos; ab eâ qui defleckerit, delicta seriùs oculis luet: qui parciorebus & conquistis utitur alimentis, corpus modico firmat & puro sanguine; uberiori contra & lutofo emollit, qui luxuriosius pascitur: ultrò tumultuatur & effervescit sanguis pravis inquinatus succis, & externis rebus, aere potissimum ad exardescendum impellitur; quis neget multo potentius corpora movere anni tempora, malignis soli expirationibus, fervidiore æstu, rigidior frigore, procellis, imbribus inordinata, Epidæmiæ & contagii plerumque feracia; idcirco per anni curriculum acuti deserviunt morbi quorum malicia, sagacis Medici eo diligentiores requirunt curam, quod nisi ad ipsius providentiam summa accesserit celeritas; eam sæpe sapius præcipiti impetu deludant: ut sanitatem aër, cibis & potio foveant, sic crebrò morbis animum præbent; usus effectuum disparitatem facit: nec frequenter plectitur qui victum ex variis aeris viribus metitur; hyeme, minus comedat, at meracius bibat; vere, potum & cibos adaugeat sensimque à tenuioribus ad densiora progrediatur; æstate, cum corpus potu & alimentis frequentius egeat, bibat dilutiùs, sapiùs, at minus singulis vicibus pascatur; & quæ nimium caloris æstum compescunt alimenta seligat: autumnus undique periculis scæter adeo varius est, diversum sed cautum pro variâ ipsius intemperie vitæ genus sequi juvat: his præceptis obtemperare valentibus opportunum, sed & caularios eo scrupulosius observare necessum est quod magis patet offensis ipsorum infirmitas.

Ergo varius Causariis pro diversâ tempestate victus præscribendus.

Proponebat Parisiis JACOBUS-ALBERTUS HAZON,
Parisiinus, Baccalaureus Medicus, A. R. S. H. 1733.
à sextâ ad meridiem.